



UNIVERSITÄTS-  
BIBLIOTHEK  
PADERBORN

## **Sancti Gregorii Papæ Primi Cognomento Magni Opera**

In Tres Tomos Distributa. Ex quamplurimis MSS. Codicibus emendata ;  
Additæ Sunt Quædam Notæ in Dialogos & Epistolas ejusdem S. Gregorii

**Gregor <I., Papst>**

**Lutetia Parisiorum, 1675**

Proemium In Primum Psalmum Poenitentialem.

---

[urn:nbn:de:hbz:466:1-75090](https://nbn-resolving.org/urn:nbn:de:hbz:466:1-75090)



S. GREGORII  
PAPÆ  
IN SEPTEM PSALMOS  
POENITENTIALES  
EXPOSITIO.

PROOEMIUM IN PRIMVM PSALMVM  
POENITENTIALEM.

**S**I ille Rex & Propheta convenienter David, id est manu fortis vocatus est, quia ursum interfecit, leonem suffocavit, Goliath fortissimum lapidis unius ictu prostravit, & gentes innumeras impetij suiditioni subegit: non incongruè eodem nomine sanctam animam accipimus, quæ illum, qui quasi leo rugiens circuit quærens quem devoret, in se ipsa interfecit. Et si quando eam sicut fortis armatus aperto certamine aggreditur, lapidis quem reprobaverunt ædificantes, illum ictu prosternit, corporis nihilominus passionibus subigit, atque ad virtutum officia convertit. Psalterium quoque eandem animam spiritalibus exercitiis assuetam non inconvenienter nominamus. Sicut enim ianicum illud instrumentum triangulum decem chordarum inferius quidem percutitur, superius verò sonare videtur: ita anima sanctæ Trinitatis fide formata, decem Legis præceptis instructa, inferius percutitur, & superius auditur: quia cum carnem aliquis perfectè afflixerit, tunc suavissimum Deo in dulcedine melos reddit. Per Psalmum ergo, meditationes & laudes & gaudia de Deo in animo concepta accipimus, sicut quantum illius musici instrumenti Psalmum vocamus. Psalmus ergo iste, id est, hæc meditatio, David, id est, fideli animæ virtutibus exercitata attribuitur: animæ scilicet tendenti in finem, id est, in Christum, qui est initium & finis. Christus finis dicitur, vel quia est consummatio Legis & Prophetarum, sicut ipse pendens in cruce testatus est, quum aceto & felle potatus dixit: *Consummatum est.* Vel quia bonorum omnium perfectio est, quia nullum bonum perficitur, nisi quod in summo bono solidatur. Sicut enim nobis non sufficit alios bonos querere, nisi ad ejus studeamus agnitionem pervenire: ita eo invento nullus jam melior queritur, quia omnis creatura eo, sub cuius pedibus à Patre omnia sunt subjecta, inferior invenitur. Pro octava verò Psalmus iste factus asseritur, quia pro consideratione futuræ resurrectionis S. Greg. Tom. III.

Domino decantatur. Omne præsentis vitæ tempus septem diebus evolvitur; & ideo æterna dies, quæ expleta horam dierum vicissitudine futura est, octava vocatur. Et quia pro consideratione extremi iudicij Psalmus iste concinitur, rectè pro octava intulatur. Vel quia sequitur finem carnalis & spiritalis generationis, ideo octava dicitur resurrectionis. Caro enim ex quatuor constat elementis, anima tribus vegetatur naturis. Est enim rationalis ad discernendum, concupiscibilis ad virtutes appetendum, irascibilis ad vitia averfandum. De hac enim ira per eundem Prophetam dicitur: *Irascimini, & nolite peccare.* Quod enim se contra seipsum crexerit, & zelo rectitudinis inflammatus, contra vitiorum se importunitates viriliter commoverit, in conspectu interni iudicis nequaquam deliquit. Vel secundum quosdam octava dicitur, quia sequitur sex ætates in hoc sæculo viventium, & septimam dormientium iustorum. Hunc autem Psalmum in hymnis habendum titulus adstruit: quia qui tactus dolore cordis intrinsecus peccata sua confitens, cor in pœnitentia conterit, suavem ad aures misericordis Dei vocem exultationis reddit. Majus est enim Angelis Dei sit per uno peccatore pœnitente gaudium, quàm de nonagintanovem perseverantia iustorum. Et qui pro indulgentiæ desiderio iniquitates suas annunciat, in tabernaculis iustorum dulciter hymnizat. Loquitur ergo in hoc Psalmo fidelis anima, octavam illam, id est, diem iudicij tremendam considerans, terroremque distractionis divinæ & reprobatorum damnationem perpetuam prudentiæ intuitu contemplanis. Et quia de suis meritis diffidens, in se qualiter in illo tremendo examine iram ultionis divinæ effugere possit, non invenit; audacter quidem, sed confidenter ad fontem misericordiæ, faciem ejus præoccupans accedit, malens in hac vita per pœnitentiam & flagella conteri, quàm in futuro horrendis suppliciorum cruciatibus affligi. Quid ergo dicat audiamus, & illius exemplo cum fiducia ad thronum gloriæ Dei adeamus.

S. GREGORII  
IN SEPTEM  
PSALMOS  
POENITENTIALES  
EXPOSITIO